

ऋषिः हिरण्यस्तूपः आङ्गिरसः

छन्दः त्रिष्टुप्

देवता इन्द्रः

एतायामोपे गव्यन्तु इन्द्रमस्माकं सु प्रमतिं वावृधाति	
अनामृणः कुविदादस्य रायो गवां केतुं परमावर्जते नः	॥ 1 ॥
उपेदुहं धनदामप्रतीतं जुष्टां न श्येनो वसतिं पतामि	
इन्द्रं नमस्यन्नुपमेभिर्कर्यः स्तोतृभ्यो हव्यो अस्ति यामन्	॥ 2 ॥
नि सर्वसेन इषुधौरसक्त समर्यो गा अजति यस्य वष्टि	
चोष्कूयमाण इन्द्र भूरि वामं मा पणिभूरस्मदधि प्रवृद्ध	॥ 3 ॥
वधीर्हि दस्युं धनिनं घनेनै एकश्चरन्नुपशाकेभिरिन्द्र	
धनोरधि विषुणक्ते व्यायन्नयज्वानः सनकाः प्रेतिमीयुः	॥ 4 ॥
परा चिच्छीर्षा ववृजुस्त इन्द्रायज्वानो यज्वभिः स्पर्धमानाः	
प्र यद्विवो हरिवः स्थातरुग्र निरव्रतां अंधमो रोदस्योः	॥ 5 ॥
अयुयुत्सन्नवद्यस्य सेनामयातयन्त क्षितयो नवगवाः	
वृषायुधो न वध्रयो निरष्टाः प्रवद्विरिन्द्राच्चितयन्त आयन्	॥ 6 ॥
त्वमेतान्नुदतो जक्षतश्चायोधयो रजस इन्द्र पारे	
अवादहो दिव आ दस्युमुञ्चा प्र सुन्वतः स्तुवतः शंसमावः	॥ 7 ॥
चक्राणासः परीणहं पृथिव्या हिरण्येन मणिना शुम्भमानाः	
न हिन्वानासस्तितरुस्त इन्द्रं परि स्पर्शो अदधात्सूर्येण	॥ 8 ॥
परि यदिन्द्र रोदसी उभे अबुभोजीर्महिना विश्वतः सीम्	
अमन्यमानां अभि मन्यमानैर्निर्ब्रह्मभिरधमो दस्युमिन्द्र	॥ 9 ॥
न ये दिवः पृथिव्या अन्तमापुर्न मायाभिर्धनदां पर्यभूवन्	
युजं वज्रं वृषभश्चक्र इन्द्रो निज्योतिषा तमसो गा अदुक्षत्	॥ 10 ॥
अनु स्वधामक्षरन्नापो अस्यावर्धत् मध्य आ नाव्यानाम्	
सुधीचीनेन मनसा तमिन्द्र ओजिष्ठेन हन्मनाहन्नभि द्यून्	॥ 11 ॥
न्याविध्यदिलीबिशस्य दृळ्हा वि शृङ्गिणमभिनच्छुष्मिन्द्रः	
यावत्तरो मघवन्यावदोजो वज्रेण शत्रुमवधीः पृतन्युम्	॥ 12 ॥
अभि सिध्मो अजिगादस्य शत्रुन्वि तिग्मेन वृषभेणा पुरोऽभेत्	
सं वज्रेणासृजद्वृत्रमिन्द्रः प्र स्वां मतिमतिरच्छाशदानः	॥ 13 ॥
आवः कुत्समिन्द्र यस्मिञ्चाकन्प्रावो युध्यन्तं वृषभं दशद्युम्	
शफच्युतो रेणुर्नक्षत् द्यामुच्छ्रैत्रेयो नृषाहाय तस्थौ	॥ 14 ॥
आवः शमं वृषभं तुग्यासु क्षेत्रजेषे मघवञ्छ्रियं गाम्	
ज्योक् चिदत्र तस्थिवांसो अक्रञ्छत्रूयतामधरा वेदनाकः	॥ 15 ॥

ऋषिः हिरण्यस्तूपः आङ्गिरसः

छन्दः जगती 1-8,10-11, त्रिष्टुप् 9,12

देवता अश्विनौ

त्रिंशन्नो अद्या भवतं नवेदसा विभुर्वा याम उत रातिरश्विना	
युवोर्हि यन्त्रं हिम्येव वासंसोऽभ्यायंसेन्या भवतं मनीषिभिः	1
त्रयः प्वयो मधुवाहने रथे सोमस्य वेनामनु विश्व इद्विदुः	
त्रयः स्कम्भासः स्कभितास आरभे त्रिनक्तं याथस्त्रिर्वश्विना दिवा	2
समाने अहन्त्रिरवद्यगोहना त्रिरद्य यज्ञं मधुना मिमिक्षतम्	
त्रिर्वाजवतीरिषो अश्विना युवं दोषा अस्मभ्यमुषसंश्च पिन्वतम्	3
त्रिर्वीर्यात् त्रिरनुव्रते जने त्रिः सुप्राव्ये त्रेधेव शिक्षतम्	
त्रिर्नान्द्यं वहतमश्विना युवं त्रिः पृक्षो अस्मे अक्षरेव पिन्वतम्	4
त्रिनो रयिं वहतमश्विना युवं त्रिर्देवताता त्रिरुतावतं धियः	
त्रिः सौभगत्वं त्रिरुत श्रवांसि नस्त्रिष्टं वां सूरं दुहिता रुहद्रथम्	5
त्रिनो अश्विना दिव्यानि भेषजा त्रिः पार्थिवानि त्रिरु दत्तमद्भ्यः	
ओमानं शंयोर्मकाय सूनवे त्रिधातु शर्म वहतं शुभस्पती	6
त्रिनो अश्विना यजता दिवेदिवे परि त्रिधातु पृथिवीमशायतम्	
तिस्रो नासत्या रथ्या परावत आत्मेव वातः स्वसंराणि गच्छतम्	7
त्रिरश्विना सिन्धुभिः सप्तमातृभिस्त्रय आहावास्त्रेधा हविष्कृतम्	
तिस्रः पृथिवीरुपरि प्रवा दिवो नाकं रक्षथे द्युभिरक्तुभिर्हितम्	8
क्व १ त्री चक्रा त्रिवृतो रथस्य क्व १ त्रयो वन्धुरो ये सनीळाः	
क्वदा योगो वाजिनो रासभस्य येन यज्ञं नासत्योपयाथः	9
आ नासत्या गच्छतं ह्यते हविर्मध्वः पिबतं मधुपेभिरासभिः	
युवोर्हि पूर्वं सवितोषसो रथमृताय चित्रं घृतवन्तमिष्यति	10
आ नासत्या त्रिभिरैकादशैरिह देवेभिर्यातं मधुपेयमश्विना	
प्रायुस्तारिष्टं नी रपांसि मृक्षतं सेधतं द्वेषो भवतं सचाभुवा	11
आ नो अश्विना त्रिवृता रथेनार्वाञ्चं रयिं वहतं सुवीरम्	
शृण्वन्ता वामवसे जोहवीमि वृधे च नो भवतं वाजसातौ	12

ऋषिः हिरण्यस्तूपः आङ्गिरसः

छन्दः जगती 1,9, त्रिष्टुप् 2-8,10-11

देवता अग्नि-मित्रावरुण-रात्रि-सवितारः 1 सविता 2-11

ह्याम्यग्निं प्रथमं स्वस्तये ह्यामि मित्रावरुणाविहावसे	
ह्यामि रात्रीं जगतो निवेशनीं ह्यामि देवं सवितारमृतये	1
आ कृष्णेन रजसा वर्तमानो निवेशयन्नमृतं मर्त्यं च	
हिरण्ययेन सविता रथेना देवो याति भुवनानि पश्यन्	2
याति देवः प्रवता यात्युद्धता याति शुभ्राभ्यां यजतो हरिभ्याम्	

आ देवो याति सविता परावतोऽपु विश्वा दुरिता बार्धमानः	॥ 3 ॥
अभीवृतं कृशनैर्विश्वरूपं हिरण्यशम्यं यजतो बृहन्तम्	
आस्थाद्रथं सविता चित्रभानुः कृष्णा रजांसि तविषीं दधानः	॥ 4 ॥
वि जनाञ्छ्यावाः शितिपादो अख्यत्रथं हिरण्यप्रउगं वहन्तः	
शश्वद्विशः सवितुदैव्यस्योपस्थे विश्वा भुवनानि तस्थुः	॥ 5 ॥
तिस्रो द्यावः सवितुर्द्वा उपस्थां एका यमस्य भुवने विराषाट्	
आणि न रथ्यममृताधि तस्थुरिह ब्रवीतु य उ तच्चिकेतत्	॥ 6 ॥
वि सुपर्णो अन्तरिक्षाण्यख्यद्रभीरवेपा असुरः सुनीथः	
क्वेदानीं सूर्यः कश्चिकेत कतमां द्यां रश्मिरस्या ततान	॥ 7 ॥
अष्टौ व्यख्यत्कुकुभः पृथिव्यास्त्री धन्व योजना सप्त सिन्धून्	
हिरण्याक्षः सविता देव आगाहध्रत्वा दाशुषे वार्याणि	॥ 8 ॥
हिरण्यपाणिः सविता विचर्षणिरुभे द्यावापृथिवी अन्तरीयते	
अपामीवां बार्धते वेति सूर्यमभि कृष्णेन रजसा द्यामृणोति	॥ 9 ॥
हिरण्यहस्तो असुरः सुनीथः सुमृळीकः स्ववां यात्वर्वाङ्	
अपसेधन्नक्षसो यातुधानानस्थाद्देवः प्रतिदोषं गृणानः	॥ 10 ॥
ये ते पन्थाः सवितः पूर्व्यासोऽरेणवः सुकृता अन्तरिक्षे	
तेभिर्नो अद्य पृथिभिस्सुगेभी रक्षां च नो अधि च ब्रूहि देव	॥ 11 ॥

(20)

36

(म.1, अनु.8)

ऋषिः कण्वः घोरः

छन्दः बृहती 1,3,5,7,9,11,13,15,17,19,

सतोबृहती 2,4,6,8,10,12,14,16,18,20 देवता अग्निः 1-12,15-20, यूपः अग्निः वा 13-14

प्र वो यद्दं पुरुणां विशां देवयतीनाम्	
अग्निं सूक्तेभिर्वचोभिरीमहे यं सीमिदन्य ईळते	॥ 1 ॥
जनांसो अग्निं दधिरे सहोवृधं हविष्मन्तो विधेम ते	
स त्वं नो अद्य सुमना इहाविता भवा वाजेषु सन्त्य	॥ 2 ॥
प्र त्वा दूतं वृणीमहे होतारं विश्ववेदसम्	
महस्ते सतो वि चरन्त्युर्चयो दिवि स्पृशन्ति भानवः	॥ 3 ॥
देवासस्त्वा वरुणो मित्रो अर्यमा सं दूतं प्रत्नमिन्धते	
विश्वं सो अग्ने जयति त्वया धनं यस्ते ददाशु मर्त्यः	॥ 4 ॥
मन्द्रो होता गृहपतिरग्रं दूतो विशामसि	
त्वे विश्वा संगतानि व्रता ध्रुवा यानि देवा अकृण्वत	॥ 5 ॥
त्वे इदग्रे सुभगे यविष्ठ्य विश्वमाहूयते हविः	
स त्वं नो अद्य सुमना उतापरं यक्षि देवान्तसुवीर्या	॥ 6 ॥
तं घैमित्था नमस्विन् उप स्वराजमासते	

होत्राभिरुग्रिं मनुषुः समिन्धते तितिर्वासो अति स्त्रिधः	॥ 7 ॥
घ्नन्तो वृत्रमतरन्नोदसी अप उरु क्षयाय चक्रिरे	
भुवत्कण्वे वृषा द्युम्याहुतः क्रन्दुदश्वो गविष्टिषु	॥ 8 ॥
सं सीदस्व म्हाँ असि शोचस्व देववीतमः	
वि धूममग्ने अरुषं मियेध्य सृज प्रशस्त दर्शतम्	॥ 9 ॥
यं त्वा देवासो मनवे दुधुरिह यजिष्ठं हव्यवाहन	
यं कण्वो मेध्यातिथिर्धनस्पृतं यं वृषा यमुपस्तुतः	॥ 10 ॥
यमग्निं मेध्यातिथिः कण्व ईध ऋतादधि	
तस्य प्रेषो दीदियुस्तमिमा ऋचस्तमग्निं वर्धयामसि	॥ 11 ॥
रायस्पृधि स्वधावोऽस्ति हि तेऽग्ने देवेष्वाप्यम्	
त्वं वाजस्य श्रुत्यस्य राजसि स नो मृळ म्हाँ असि	॥ 12 ॥
ऊर्ध्व ऊ षु ण ऊतये तिष्ठा देवो न सविता	
ऊर्ध्वो वाजस्य सनिता यदञ्जिभिर्वाघद्विर्विह्वयामहे	॥ 13 ॥
ऊर्ध्वो नः पाह्यंहसो नि केतुना विश्वं समत्रिणं दह	
कृधी न ऊर्ध्वाञ्चरथाय जीवसे विदा देवेषु नो दुवः	॥ 14 ॥
पाहि नो अग्ने रक्षसः पाहि धूर्तेरराव्याः	
पाहि रीषत उत वा जिघांसतो बृहद्भानो यविष्ठ्य	॥ 15 ॥
घनेव विष्वग्वि जह्यराव्यास्तपुर्जम्भ यो अस्मधुक्	
यो मर्त्युः शिशीते अत्यक्तुभिर्मा नुः स रिपुरीशत	॥ 16 ॥
अग्निर्वत्रे सुवीर्यमग्निः कण्वाय सौभगम्	
अग्निः प्रार्वन्मित्रो मेध्यातिथिमग्निः साता उपस्तुतम्	॥ 17 ॥
अग्निना तुर्वशं यदुं परावत उग्रादेवं हवामहे	
अग्निर्नयन्नववास्त्वं बृहद्रथं तुर्वीति दस्यवे सहः	॥ 18 ॥
नि त्वामग्ने मनुर्दधे ज्योतिर्जनाय शश्वते	
दीदेथ कण्व ऋतजात उक्षितो यं नमस्यन्ति कृष्टयः	॥ 19 ॥
त्वेषासो अग्नेरमवन्तो अर्चयो भीमासो न प्रतीतये	
रक्षस्विनः सदमिद्यातुमावतो विश्वं समत्रिणं दह	॥ 20 ॥

(15)

37

(म.1, अनु.8)

ऋषिः कण्वः घौरः

छन्दः गायत्री

देवता मरुतः

क्रीळं वः शर्धो मारुतमनुर्वाणं रथेशुभम्	कण्वा अग्नि प्र गायत	॥ 1 ॥
ये पृषतीभिर्ऋष्टिभिः साकं वाशीभिर्ऋञ्जिभिः	अजायन्त स्वभानवः	॥ 2 ॥
इहेव शृण्व एषां कशा हस्तेषु यद्वदान्	नि यामञ्चित्रमृञ्जते	॥ 3 ॥
प्र वः शर्धाय घृष्वये त्वेषद्युम्नाय शुष्मिणे	देवत्तं ब्रह्म गायत	॥ 4 ॥

प्र शंसा गोष्वर्घ्यं क्रीळं यच्छर्धो मारुतम् । जम्भे रसस्य वावृधे	॥ 5 ॥
को वो वर्षिष्ठ आ नरो दिवश्च गमश्च धूतयः । यत्सीमन्तं न धूनुथ	॥ 6 ॥
नि वो यामाय मानुषो दुध उग्राय मन्यवे । जिहीतु पर्वतो गिरिः	॥ 7 ॥
येषामज्मेषु पृथिवी जुजुवाँइव विश्पतिः । भिया यामेषु रेजते	॥ 8 ॥
स्थिरं हि जानमेषां वयो मातुर्निरैतवे । यत्सीमनु द्विता शवः	॥ 9 ॥
उदु त्ये सूनवो गिरः काष्ठा अज्मेष्वलत । वाश्रा अभिज्ञु यातवे	॥ 10 ॥
त्यं चिद्धा दीर्घं पृथुं मिहो नपातममृध्रम् । प्र च्यावयन्ति यामभिः	॥ 11 ॥
मरुतो यद्ध वो बलं जनाँ अचुच्यवीतन । गिरौरचुच्यवीतन	॥ 12 ॥
यद्ध यान्ति मरुतः सं हं ब्रुवतेऽध्वन्ना । शृणोति कश्चिदेषाम्	॥ 13 ॥
प्र यातु शीभमाशुभिः सन्ति कण्वेषु वो दुवः । तत्रो षु मादयाध्वै	॥ 14 ॥
अस्ति हि ष्मा मदाय वः स्मसिं ष्मा वयमेषाम् । विश्वं चिदायुर्जीवसे	॥ 15 ॥

(15)

38

(म.1, अनु.8)

ऋषिः कण्वः घौरः	छन्दः गायत्री	देवता मरुतः
-----------------	---------------	-------------

कद्ध नूनं कंधप्रियः पिता पुत्रं न हस्तयोः । दधिध्वे वृक्तबर्हिषः	॥ 1 ॥
क्क नूनं कद्धो अर्थं गन्ता दिवो न पृथिव्याः । क्व वो गावो न रण्यन्ति	॥ 2 ॥
क्क वः सुम्ना नव्यांसि मरुतः क्व सुविता । क्वो ३ विश्वानि सौभगा	॥ 3 ॥
यद्युयं पृश्निमातरो मर्तासुः स्यातन । स्तोता वो अमृतः स्यात्	॥ 4 ॥
मा वो मृगो न यवसे जरिता भूदजोष्यः । पथा यमस्य गादुप	॥ 5 ॥
मो षु णः परापरा निर्ऋतिर्दुर्हणा वधीत् । पदीष्ट तृष्ण्या सह	॥ 6 ॥
वाश्रेवं विद्युन्मिमाति वृत्सं न माता सिषक्ति । यदेषां वृष्टिरसर्जि	॥ 8 ॥
दिवा चित्तमः कृण्वन्ति पर्जन्येनोदवाहेन । यत्पृथिर्वा व्युन्दन्ति	॥ 9 ॥
अध स्वानामरुतां विश्वमा सद्म पार्थिवम् । अरेजन्तु प्र मानुषाः	॥ 10 ॥
मरुतो वीळुपाणिभिश्चित्रा रोधस्वतीरनु । यातेमखिद्रयामभिः	॥ 11 ॥
स्थिरा वः सन्तु नेमयो रथा अश्वास एषाम् । सुसंस्कृता अभीशवः	॥ 12 ॥
अच्छा वदा तना गिरा जरायै ब्रह्मणस्पतिम् । अग्निं मित्रं न दर्शतम्	॥ 13 ॥
मिमीहि श्लोकमास्यै पर्जन्येव ततनः । गाय गायत्रमुक्थ्यम्	॥ 14 ॥
वन्दस्व मारुतं गुणं त्वेषं पनस्युमर्किणम् । अस्मे वृद्धा असन्निह	॥ 15 ॥

(10)

39

(म.1, अनु.8)

ऋषिः कण्वः घौरः	छन्दः बृहती 1,3,5,7,9 सतोबृहती 2,4,6,8,10	देवता मरुतः
-----------------	---	-------------

प्र यदित्था परावतः शोचिर्न मानमस्यथ	
कस्य क्रत्वा मरुतः कस्य वर्षसा कं याथ कं हं धूतयः	॥ 1 ॥
स्थिरा वः सन्त्वायुधा पराणुदै वीळू उत प्रतिष्कभे	
युष्मार्कमस्तु तविषी पनीयसी मा मर्त्यस्य मायिनः	॥ 2 ॥

परां ह यत्स्थिरं हथ नरो वर्तयथा गुरु । वि याथन वृनिनः पृथिव्या व्याशाः पर्वतानाम् ॥ 3 ॥
 नहि वः शत्रुर्विविदे अधि द्यवि न भूम्यां रिशादसः ।
 युष्माकमस्तु तविषी तना युजा रुद्रासो नू चिदाधृषे ॥ 4 ॥
 प्र वैपयन्ति पर्वतान्वि विञ्चन्ति वनस्पतीन् । प्रो आरत मरुतो दुर्मदाइव देवासः सर्वया विशा ॥ 5 ॥
 उपो रथेषु पृषतीरयुग्ध्वं प्रष्टिर्वहति रोहितः । आ वो यामाय पृथिवी चिदश्रोदबीभयन्त मानुषाः ॥ 6 ॥
 आ वो मक्षू तनाय कं रुद्रा अवो वृणीमहे । गन्ता नूनं नोऽवसा यथा पुरेत्या कण्वाय बिभ्युषे ॥ 7 ॥
 युष्मेषितो मरुतो मर्त्येषित आ यो नो अभ्व ईषते ।
 वि तं युयोत् शवसा व्योजसा वि युष्माकाभिरुतिभिः ॥ 8 ॥
 अस्मि हि प्रयज्यवः कण्वं दद प्रचेतसः । अस्मिभिर्मरुत् आ न ऊतिभिर्गन्ता वृष्टिं न विद्युतः ॥ 9 ॥
 अस्माम्योजो बिभृथा सुदानवोऽस्मि धूतयः शवः ।
 ऋषिद्विषे मरुतः परिमन्यव इषुं न सृजत् द्विषम् ॥ 10 ॥

(8)

40

(म.1, अनु.8)

ऋषिः कण्वः घौरः	छन्दः बृहती 1,3,5,7, सतोबृहती 2,4,6,8	देवता ब्रह्मणस्पतिः
-----------------	---------------------------------------	---------------------

उत्तिष्ठ ब्रह्मणस्पते देव्यन्तस्त्वेमहे । उप प्र यन्तु मरुतः सुदानव इन्द्र प्राशूर्भवा सचा ॥ 1 ॥
 त्वामिद्धि सहसस्पुत्र मर्त्यं उपब्रूते धने हिते । सुवीर्यं मरुत् आ स्वश्व्यं दधीत् यो व आचुके ॥ 2 ॥
 प्रैतु ब्रह्मणस्पतिः प्र देव्यैतु सूनृता । अच्छा वीरं नर्यं पङ्किराधसं देवा यज्ञं नयन्तु नः ॥ 3 ॥
 यो वाघते ददाति सूनरं वसु स धत्ते अक्षिति श्रवः ।
 तस्मा इळां सुवीरा मा यजामहे सुप्रतूर्तिमनेहसम् ॥ 4 ॥
 प्र नूनं ब्रह्मणस्पतिर्मन्त्रं वदत्युक्थ्यम् । यस्मिन्निन्द्रो वरुणो मित्रो अर्यमा देवा ओकांसि चक्रिरे ॥ 5 ॥
 तमिद्धोचेमा विदथेषु शंभुवं मन्त्रं देवा अनेहसम् ।
 इमां च वाचं प्रतिहर्यथा नरो विश्वेद्वामा वो अश्रवत् ॥ 6 ॥
 को देवयन्तमश्रवज्जनं को वृक्तर्बहिषम् । प्रप्र दाश्वान्पुस्त्याभिरस्थितान्तर्वावत्क्षयं दधे ॥ 7 ॥
 उप क्षत्रं पृञ्चीत हन्ति राजभिर्भये चित्सुक्षितिं दधे ।
 नास्य वर्ता न तरुता महाधने नाभे अस्ति वृज्जिणः ॥ 8 ॥

(9)

41

(म.1, अनु.8)

ऋषिः कण्वः घौरः	छन्दः गायत्री	देवता वरुणमित्रार्यमणः 1-3,7-9, आदित्याः 4-6
-----------------	---------------	--

यं रक्षन्ति प्रचेतसो वरुणो मित्रो अर्यमा । नू चित्स दभ्यते जनः ॥ 1 ॥
 यं बाहुतेव पिप्रति पान्ति मर्त्यं रिषः । अरिष्टः सर्व एधते ॥ 2 ॥
 वि दुर्गा वि द्विषः पुरो घ्नन्ति राजान एषाम् । नयन्ति दुरिता तिरः ॥ 3 ॥
 सुगः पन्था अनृक्षर आदित्यास ऋतं यते । नात्रावखादो अस्ति वः ॥ 4 ॥
 यं यज्ञं नयथा नर आदित्या ऋजुना पथा । प्र वः स धीतये नशत् ॥ 5 ॥
 स रत्नं मर्त्यो वसु विश्वं तोकमुत त्मना । अच्छा गच्छत्यस्तृतः ॥ 6 ॥
 कथा राधाम सखायः स्तोमं मित्रस्यार्यमणः । महि प्सरो वरुणस्य ॥ 7 ॥

मा वो घ्नन्तं मा शपन्तं प्रति वोचे देवयन्तम् । सुमैरिद्ध आ विवासे ॥ 8 ॥
चतुरश्रिद्धदमानाद्विभीयादा निर्धातोः । न दुरुक्ताय स्पृहयेत् ॥ 9 ॥

(10)

42

(म.1, अनु.8)

ऋषिः कण्वः घौरः छन्दः गायत्री देवता पूषा

सं पूषन्नध्वनस्तिर व्यंहौ विमुचो नपात् । सक्ष्वा देव प्र णस्पुरः ॥ 1 ॥
यो नः पूषन्नघो वृको दुःशेव आदिदेशति । अपं स्म तं पथो जहि ॥ 2 ॥
अप त्वं परिपन्थिनं मुषीवाणं हुरश्चितम् । दूरमधि सुतेरज ॥ 3 ॥
त्वं तस्य द्याविनोऽघशंसस्य कस्य चित् । पदाभि तिष्ठ तपुषिम् ॥ 4 ॥
आ ततै दस्र मन्तुमः पूषन्नवो वृणीमहे । येन पितृनचौदयः ॥ 5 ॥
अधा नो विश्वसौभग हिरण्यवाशीमत्तम । धनानि सुषणा कृधि ॥ 6 ॥
अति नः सश्चतो नय सुगा नः सुपथा कृणु । पूषन्निह क्रतुं विदः ॥ 7 ॥
अभि सूयवसं नय न नवज्वारो अध्वने । पूषन्निह क्रतुं विदः ॥ 8 ॥
शग्धि पूर्ध प्र यंसि च शिशीहि प्रास्युदरम् । पूषन्निह क्रतुं विदः ॥ 9 ॥
न पूषणं मेथामसि सूक्तैरुभि गृणीमसि । वसूनि दुस्ममीमहे ॥ 10 ॥

(9)

43

(म.1, अनु.8)

ऋषिः कण्वः घौरः छन्दः गायत्री 1-8, अनुष्टुप् 9 देवता रुद्रः 1-2,4-6, रुद्रः मित्रावरुणौ च 3, सोमः7-9

कद्रुद्राय प्रचेतसे मीळ्हुष्टमाय तव्यसे । वोचेम शंतमं हृदे ॥ 1 ॥
यथा नो अदितिः कर्त्पश्चे नृभ्यो यथा गवे । यथा तोकाय रुद्रियम् ॥ 2 ॥
यथा नो मित्रो वरुणो यथा रुद्रश्चिकेतति । यथा विश्वे सजोषसः ॥ 3 ॥
गाथपतिं मेधपतिं रुद्रं जलाषभेषजम् । तच्छंयोः सुममीमहे ॥ 4 ॥
यः शुक्रइव सूर्यो हिरण्यमिव रोचते । श्रेष्ठो देवानां वसुः ॥ 5 ॥
शं नः कर्त्त्यवते सुगं मेषाय मेधे । नृभ्यो नारिभ्यो गवे ॥ 6 ॥
अस्मे सौम श्रियमधि नि धैहि शतस्य नृणाम् । महि श्रवस्तुविनुम्णम् ॥ 7 ॥
मा नः सोमपरिबाधो मारातयो जुहुरन्त । आ न इन्द्रो वाजे भज ॥ 8 ॥
यास्ते प्रजा अमृतस्य परस्मिन्धामनृतस्य । ॥ 9 ॥
मूर्धा नाभा सोम वेन आभूषन्तीः सोम वेदः ॥ 9 ॥

(14)

44

(म.1, अनु.9)

ऋषिः प्रस्कण्वः काण्वः छन्दः बृहती 1,3,5,7,9,11,13, सतोबृहती 2,4,6,8,10,12,14
देवता अग्निः अश्विनौ उषाः च 1-2, अग्निः 3-14

अग्ने विर्वस्वदुषसश्चित्रं राधो अमर्त्य । आ दाशुषे जातवेदो वहा त्वमद्या देवाँ उषुर्बुधः ॥ 1 ॥
जुष्टो हि दूतो असि हव्यवाहनोऽग्रं रथीरध्वराणाम् । ॥ 2 ॥
सजूरश्विभ्यामुषसा सुवीर्यमस्मे धैहि श्रवो बृहत् ॥ 2 ॥
अद्या दूतं वृणीमहे वसुमग्निं पुरुप्रियम् । धूमकेतुं भारुजीकं व्युष्टिषु यज्ञानामध्वरश्रियम् ॥ 3 ॥

श्रेष्ठं यविष्ठमतिथिं स्वाहुतं जुष्टं जनाय दाशुषे । देवाँ अच्छा यातवे जातवेदसमग्निमीळे व्युष्टिषु ॥ 4 ॥
 स्तविष्णामि त्वामहं विश्वस्यामृत भोजन । अग्ने त्रातारममृतं मियेध्य यजिष्ठं हव्यवाहन ॥ 5 ॥
 सुशंसो बोधि गृणते यविष्ठ्य मधुजिह्वः स्वाहुतः । प्रस्कण्वस्य प्रतिरत्रायुर्जीवसे नमस्या दैव्यं जनम् ॥ 6 ॥
 होतारं विश्ववेदसं सं हि त्वा विशं इन्धते । स आ वह पुरुहूत प्रचेतसोऽग्ने देवाँ इह द्रवत् ॥ 7 ॥
 सवितारमुषसमश्विना भगमग्निं व्युष्टिषु क्षपः । कण्वासस्त्वा सुतसोमास इन्धते हव्यवाहं स्वध्वर ॥ 8 ॥
 पतिर्ह्वराणामग्ने दूतो विशामसि । उषर्बुध आ वह सोमपीतये देवाँ अद्य स्वर्दशः ॥ 9 ॥
 अग्ने पूर्वा अनूषसो विभावसो दीदेथ विश्वदर्शतः । असि ग्रामेष्वविता पुरोहितोऽसि यज्ञेषु मानुषः ॥ 10 ॥
 नि त्वा यज्ञस्य साधनमग्ने होतारमृत्विजम् । मनुष्वदैव धीमहि प्रचेतसं जीरं दूतममर्त्यम् ॥ 11 ॥
 यद्देवानां मित्रमहः पुरोहितोऽन्तरो यासि दूत्यम् । ॥ 12 ॥
 सिन्धोरिव प्रस्वनितास ऊर्मयोऽग्नेभ्राजन्ते अर्चयः ॥ 12 ॥
 श्रुधि श्रुत्कर्णं वह्निभिर्देवैरग्ने सयार्वभिः । आ सीदन्तु बर्हिषि मित्रो अर्यमा प्रातुर्यावाणो अध्वरम् ॥ 13 ॥
 शृण्वन्तु स्तोमं मरुतः सुदानवोऽग्निजिह्वा ऋतावृधः । ॥ 14 ॥
 पिबतु सोमं वरुणो धृतव्रतोऽश्विभ्यामुषसा सजूः ॥ 14 ॥

(10)

45

(म.1, अनु.9)

ऋषिः प्रस्कण्वः काण्वः	छन्दः अनुष्टुप्	देवता अग्निः 1-9 देवाः 10
------------------------	-----------------	---------------------------

त्वमग्ने वसूरिह रुद्राँ आदित्याँ उत । यजा स्वध्वरं जनं मनुजातं घृतप्रुषम् ॥ 1 ॥
 श्रुष्टीवानो हि दाशुषे देवा अग्ने विचेतसः । तान्नोहिदश्व गिर्वणस्त्रयस्त्रिंशत्तमा वह ॥ 2 ॥
 प्रियमेधुवदत्रिवज्जातवेदो विरूपवत् । अङ्गिरस्वन्महिव्रत् प्रस्कण्वस्य श्रुधी हवम् ॥ 3 ॥
 महिकेरव ऊतये प्रियमैधा अहूषत । राजन्तमध्वराणामग्निं शुक्रेण शोचिषा ॥ 4 ॥
 घृताहवन सन्त्येमा उ षु श्रुधी गिरः । याभिः कण्वस्य सूनवो हवन्तेऽवसे त्वा ॥ 5 ॥
 त्वां चित्रश्रवस्तम् हवन्ते विक्षु जन्तवः । शोचिष्केशं पुरुप्रियाग्ने हव्याय वोळहवे ॥ 6 ॥
 नि त्वा होतारमृत्विजं दधिरे वसुवित्तमम् । श्रुत्कर्णं सप्रथस्तमं विप्रा अग्ने दिविष्टिषु ॥ 7 ॥
 आ त्वा विप्रा अचुच्यवुः सुतसोमा अभि प्रयः । बृहद्वा बिभ्रतो हविरग्ने मतीय दाशुषे ॥ 8 ॥
 प्रातुर्याव्णाः सहस्कृत सोमपेयाय सन्त्य । इहाद्य दैव्यं जनं बर्हिरा सादया वसो ॥ 9 ॥
 अर्वाञ्च दैव्यं जनमग्ने यक्ष्व सहूतिभिः । अयं सोमः सुदानवस्तं पात तिरोअह्वयम् ॥ 10 ॥

(15)

46

(म.1, अनु.9)

ऋषिः प्रस्कण्वः काण्वः	छन्दः गायत्री	देवता अश्विनौ
------------------------	---------------	---------------

एषो उषा अपूर्व्या व्युच्छति प्रिया दिवः । स्तुषे वामश्विना बृहत् ॥ 1 ॥
 या दस्रा सिन्धुमातरा मनोतरा रयीणाम् । धिया देवा वसुविदा ॥ 2 ॥
 वच्यन्ते वां ककुहासो जूर्णायामधि विष्टपि । यद्वां रथो विभिष्मतात् ॥ 3 ॥
 हविषा जारो अपां पिपति पपुर्नरा । पिता कुटस्य चर्षणिः ॥ 4 ॥
 आदारो वां मतीनां नासत्या मतवचसा । पातं सोमस्य धृष्णुया ॥ 5 ॥
 या नः पीपरदश्विना ज्योतिष्मती तमस्तिरः । ताम्स्मे रासाथामिषम् ॥ 6 ॥
 आ नो नावा मतीनां यातं पाराय गन्तवे । युञ्जाथामश्विना रथम् ॥ 7 ॥

अरित्रं वां दिवस्पृथु तीर्थे सिन्धूनां रथः	धिया युयुज्ज इन्दवः	॥ 8 ॥
दिवस्कण्वासु इन्दवो वसु सिन्धूनां पदे	स्वं वृत्रिं कुहं धित्सथः	॥ 9 ॥
अभूदु भा उ अंशवे हिरण्यं प्रति सूर्यः	व्यख्यञ्जिह्वयासितः	॥ 10 ॥
अभूदु पारमेतवे पन्था ऋतस्य साधुया	अर्दशि वि स्रुतिर्दिवः	॥ 11 ॥
तत्तदिदुश्चिनोरवो जरिता प्रति भूषति	मदे सोमस्य पिप्रतोः	॥ 12 ॥
वावसाना विवस्वति सोमस्य पीत्या गिरा	मनुष्वच्छंभू आ गतम्	॥ 13 ॥
युवोरुषा अनु श्रियं परिज्मनोरुपाचरत्	ऋता वनथो अक्तुभिः	॥ 14 ॥
उभा पिबतमश्चिनोभा नः शर्म यच्छतम्	अविद्रियाभिरूतिभिः	॥ 15 ॥

| इति प्रथमाष्टके तृतीयोऽध्यायः समाप्तः ।